

չինութեան բաժին տեղեացն Հայոց ։ Յորդորէին զնա առաքել զվարդապետս առ ամենայն ազգս Հայոց ժողովել զողորմութիւն 'ի նպաստ (իմաստիէ) և առաքել առ Փոխանորդն 'ի Կոստանդինուպօլիս , զի բազմազումար ծախուց տէտս ունէր գործն . ապա խրախուսէին զնա չվհատիլ , այլ ապաւինիլ յԱստուած և յաղօթս , (1809 . 'ի 19 Հոկտեմբերի) ։

Կուսակալն Դամասկոսի Եուսուֆ Փաշա եկն յերուսաղէմ ըստ սովորութեան (յ7 Հոկտեմբերի) , եւ զիջեալ յաղաչանս Յունաց , ետ հրաման նոցա շինել զԳերեզմանն Քրիստոսի փոքր գմբէթիւն իւրով . Լատինք և Հայք կամեցան բառնալ զկանթեզս և զպատկերս 'ի Գերեզմանէն գիտութեամբ այլազգեաց և օրինօք դատարանի , զի մի' յետոյ խռովութիւնս յարուսցեն Յոյնք . այլ նոքա ոչ անսացեալ բանից նոցա , հանեալ զնոսա արտաքս և նախատանօք ընկեցին 'ի բաց ։ Հայք իրրեւ ծանուցին զայս Կուսակալին Դամասկոսի , հրամայեաց նո օրինօք դատարանի գրել զամենայն ինչ , և յետ աւարտելոյ շինութեան կախել զիւրաքանչիւրսն 'ի տեղիս իւրեանց , որ և արարին այնպէս ։

Յոյնք կամեցան խափանել զհանդէսն Հայոց՝ զոր կատարէին յաւուր Գիւտի Խաչին , և պատճառանօք շինութեան լցին զարտաքին դուռն տաճարին քարամբք և հողով , և թէ՛ Հայք չուենին սցսուհետեւ մասն և բաժին աստ . բայց Կուսակալն ետ բառնալ անտի զքարինս և զհողն , և Հայք կատարեցին զհանդէսն իւրեանց ։ Ապա կոչեալ առ ինքն զգլխաւորս երից ազգաց և պատուիրեաց նոցա հաշտիլ սիրով և խաղաղութեամբ վարիլ ընդ միմեանս ։ Ա՛ռ զսահմանեալ տուրս յերից վանօրէից յայտնապէս , բայց 'ի ծածուկ 'ի Յունաց էառ 161,000 դահեկան վասն հրաման տալոյն շինութեան , և խոստացան եւս բազում ինչ եթէ թոյլ տացէ յափշտակել զբաժին տեղիս Հայոց եւ Լատինաց , այլ նա սոստեաց նոցա , և չարար մնաս ինչ տեղեացն այլոց ։ Ապա 'ի սադրելոյ Յունաց եւ յերկիւղ այլազգեաց՝ եթող 'ի քաղաքի անդ 200 զօրականս . զ100 եղ 'ի բերդն և զ100 բնակեցոյց յիջեւանս քաղաքապետին , և ինքն մեկնեցաւ 'ի տեղի իւր ('ի 18 Նոյեմբերի) ։